



PERATURAN PERTANDINGAN
BOWLING LELAKI & WANITA
PESUMA KE-30

1. AM

Pertandingan ini dinamakan "Pertandingan Bowling Pesta Sukan Ukur Se Malaysia Ke **30** Tahun 2015" atau disebut sebagai **Pertandingan Bowling Lelaki & Wanita PESUMA KE-30**.

2. PENGANJUR

Seluruh pengelolaan pertandingan Bowling Lelaki & Wanita PESUMA KE-30 akan dikelolakan oleh Kelab Sukan dan Kebajikan JUPEM Kedah sebagai tuan rumah.

3. MASA, TARikh DAN TEMPAT PERTANDINGAN

- 3.1 Perlawanan akan diadakan di lokasi yang akan ditetapkan kemudian.
- 3.2 Semua perlawan akan dijalankan mengikut jadual yang disediakan oleh Jawatankuasa Pertandingan.

4. PENDAFTARAN

- 4.1 Setiap pasukan dibenarkan mendaftar **tiga (3) orang pemain lelaki** dengan dikenakan bayaran sebanyak **RM150.00**. manakala **tiga (3) pemain wanita** dengan dikenakan bayaran sebanyak **RM100.00**. Pendaftaran pemain pasukan hendaklah dibuat menggunakan **Borang PESUMA-BG/L** dan **Borang PESUMA-BG/W** yang disediakan dan diserahkan kepada Jawatankuasa Pertandingan pada atau sebelum **15 MAC 2015**. Sebarang rayuan pertukaran senarai nama pemain hanya boleh diterima sebelum atau pada hari Taklimat Pengurus-Pengurus Pasukan.
- 4.2 Pemain yang tidak didaftarkan tidak dibenarkan mengambil bahagian. Sekiranya berlaku sedemikian, penyertaan Pasukan tersebut dalam pertandingan ini akan dibatalkan secara automatik.

5. FORMAT PERTANDINGAN

- 5.1 Pertandingan akan dijalankan mengikut undang-undang Kongres Tenpin Bowling Malaysia (MTBC).
- 5.2 Semua pemain diminta berada di tempat pertandingan tiga puluh (30) minit sebelum perlawanan bermula.
- 5.3 Satu pasukan terdiri daripada tiga (3) orang pemain sahaja. Setiap pemain akan bermain sebanyak **LIMA (5) game** bagi lelaki manakala **TIGA (3) game** bagi wanita sepanjang pertandingan berlangsung.
- 5.4 Ketua Pasukan bertanggungjawab ke atas kelayakan, kehadiran dan tata tertib pasukannya. Beliau akan bertindak sebagai wakil Pasukan dalam Jawatankuasa Penganjur. Beliau juga mempunyai hak untuk memilih wakilnya bagi menghadiri Mesyuarat Jawatankuasa Bantahan atau Rayuan dengan mengemukakan surat yang sah kepada Jawatankuasa Pertandingan. Beliau juga bertanggungjawab untuk menyemak skor pemain-pemainnya dan menguruskan rekod sebenar pasukannya. Beliau juga bertanggung-jawab atas semua bayaran dan tunggakan yang dikenakan ke atas pasukannya.
- 5.5 **LELAKI**
Pemain yang datang lewat masih dibolehkan bermain dengan syarat pemain-pemain belum menghabiskan frame yang ke-3 dalam game yang pertama. Frame pertama dan ke dua bagi pemain tersebut bagaimanapun akan diberi skor kosong (0). Sekiranya Pemain-pemain lain telah membaling bola dalam frame yang ke-3 untuk game pertama, skor sebanyak 60 akan diberikan kepadanya untuk game ini dan beliau boleh bermain game seterusnya seperti biasa. Sekiranya beliau sampai selepas game pertama selesai, beliau tidak lagi boleh bertanding dan skor sebanyak 360 akan diberikan kepada pasukannya.
- 5.6 **WANITA**
Pemain yang datang lewat masih dibolehkan bermain dengan syarat Pemain-Pemain belum menghabiskan frame yang ke - 3 dalam game yang pertama. Frame pertama dan ke dua bagi pemain ini akan diberi skor kosong (0). Sekiranya Pemain-pemain lain telah membaling bola dalam frame yang ke 3 untuk game pertama *blind score* sejumlah 100 pin akan diberikan kepada pemain tersebut untuk game ini dan beliau boleh bermain game seterusnya seperti biasa. Sekiranya beliau sampai selepas game pertama selesai, beliau tidak lagi boleh bertanding dan skor sebanyak 300 untuk keseluruhan tiga game akan diberikan kepada pasukannya.
- 5.7 **LELAKI**
Apabila seseorang pemain tidak dapat menghabiskan permainannya disebabkan oleh kecederaan dan kecemasan, tiada penggantian dibenarkan. Jatuhan pinnya akan dikira sampai frame yang beliau

berhenti atau mata percuma akan diberikan kepadanya bergantung kepada mana satu skor yang lebih tinggi, manakala

5.8 **WANITA**

Apabila seseorang Pemain tidak dapat menghabiskan permainannya disebabkan oleh kecederaan dan kecemasan, tiada penggantian dibenarkan. Jatuh pinnya akan dikira sampai frame yang beliau berhenti atau *blind score* sejumlah 100 pin untuk game tersebut akan diberikan kepadanya bergantung kepada mana satu skor yang lebih tinggi

5.9 Pegawai pertandingan yang bertugas mempunyai kuasa mengarahkan pertukaran lorong sekiranya mesin dianggap akan melambatkan permainan. Permainan yang tergendala dan tidak boleh diselesaikan akan disambung di atas lorong yang baik.

5.10 Mana-mana pasukan yang sengaja meminda skor tanpa kebenaran marsyal (Pegawai Pertandingan) akan dihukum dan permainannya akan dibatalkan. Pemain yang berkelakuan kurang sopan dan tidak bersemangat kesukaran semasa permainan akan dipecat dari kejohanan dan akan dilaporkan kepada Jawatankuasa Pengelola.

5.11 Bantahan Dalam Pertandingan:

5.1.1 Skor – Kesalahan dalam pengiraan skor atau bantahan terhadap keputusan skor mestilah dilaporkan dengan serta merta kepada pegawai pertandingan ketika penemuan kesalahan tersebut. Bantahan yang lambat tidak akan dilayan.

5.1.2 ‘Fault’ – Bantahan mestilah di bawa kepada perhatian pegawai pertandingan sebelum balingan bola seterusnya. Aduan atau bantahan tidak akan dilayan selepas permainan tersebut membuat balingan seterusnya.

6. KIRAAN MATA

6.1 Mata *handicap* :

6.1.1 Tiada mata handicap akan diberikan kepada semua

6.2 Skor Percuma (*Blind Score*)

6.2.1 **LELAKI**

Sekiranya satu-satu pasukan kekurangan seorang pemain sahaja, skor percuma sebanyak 60 untuk setiap game akan diberikan kepada Pasukan tersebut.

6.2.2 **WANITA**

Sekiranya satu-satu Pasukan kekurangan seorang Pemain sahaja, *blind score* sebanyak 100 pin untuk setiap game akan diberikan kepada Pasukan tersebut.

6.3 Kehilangan Skor.

Sekiranya terdapat kehilangan skor yang disebabkan oleh kerosakan monitor TV dan skor tersebut tidak dapat dikesan semula, permainan semula, akan dijalankan. Walau bagaimanapun, permainan yang terdahulu di mana skor-skornya telah dicatat tidak boleh diubah.

6.4 Kedudukan Pasukan:

Kedudukan Pasukan yang mempunyai jumlah jatuh pin tertinggi dikira Juara, kedua tinggi dikira Naib Juara, sedemikian tempat ketiga dan keempat dan seterusnya.

6.5 Pakaian Pemain:

Pemain tidak dibenarkan memakai seluar pendek atau singlet. Semua Pemain dikehendaki berpakaian T-shirt berkollar dan berkelakuan sopan semasa pertandingan dijalankan

6.6 Larangan :

Dilarang membuat balingan semasa pemain lawan berada di kiri dan kanan di atas lane. Dilarang mengotorkan sekitar Bowling Alley. Mengikut tatacara *gentlemanly conduct* dan *bowling ethics*, sekiranya dua pemain menaiki lane secara serentak, pemain yang disebelah kiri mempunyai *right-of-way*.

7. BANTAHAN DAN RAYUAN

7.1 Segala bantahan atau rayuan boleh dibuat dengan merujuk kepada **PERATURAN 16, Peraturan-Peraturan Am PESUMA KE-30** yang disediakan oleh pengjur kejohanan.



**BORANG PENDAFTARAN PEMAIN
KEJOHANAN PESUMA KE-30**

BOWLING (LELAKI)

PASUKAN (JABATAN) :

Bil.	Nama Pemain	No. Kad Pengenalan
1.		
2.		
3.		

Nama Pengurus Pasukan :

No. Kad Pengenalan :

Tandatangan Ketua Jabatan :

Nama :

Tarikh :

Cop Jabatan :



**BORANG PENDAFTARAN PEMAIN
KEJOHANAN PESUMA KE-30**

BOWLING (WANITA)

PASUKAN (JABATAN) :

Bil.	Nama Pemain	No. Kad Pengenalan
1.		
2.		
3.		

Nama Pengurus Pasukan :

No. Kad Pengenalan :

Tandatangan Ketua Jabatan :

Nama :

Tarikh :

Cop Jabatan :